





五
從天
外
下
遊
龍
香
月
胡
方
新
萬
都

五瓠山人詩集卷之三

桐川宗訓伯昭父著

七言律詩

南巡五首

和重父春
巡之作

從天玉輦下雲中直向金陵樹戰功白獸般般
遊苑外黃龍宛宛度江東千官戎服迎仙燾萬
騎胡歌出漢宮莫道蕪城楊柳暮 君王樂事
萬方同

御鑪香遶翠雲裘湖上觀魚樂未休戍滿金陵
邊色晚風來玉塞角聲秋吳宮舊草開千逕淮

水新鍾露幾洲仰戴 聖明羞漢武茂陵遺藁
未須收

壓海樓船從虎臣自周今日見時巡彤鸞車過
千門柳白鵲旗開一道塵胡騎不馳荒塞下

天王方狩大江濱漢陵松柏輝銀燭原廟歌風
尚有神

將軍赫赫是文皇戲搏車前怒臂螭翠羽明珠
充下乘蒲梢汗血耀千行廣陵樹繞龍艦漾北
固山迎鳳舳翔南部烟花重作錄錦帆綵纜燭
雲光

雲鳥陣行隨地濶龍蛇旗出與天長金輿曉從
馳黃道獵騎宵還挂白狼甲乙床連和壁帳昆
明舟泛漢池觴吾 王不豫吾何助願寄春風
入未央

采菊吟時在川上

悠然采菊東籬下坐見南山對草堂曲水長堤
環舊圃高松大竹隱空廊道流過問詩人宅漁
父來尋釣客航此外誰言塵世事不知老至白
雲鄉

王明府數許枉駕草堂雪中奉簡

詩悠哉二字
上見南山之五
日有妙境此州
口就說他詩
亦莫把陶詩
壞了華年

亭畔具茨松十尋滿川風雪帶疎林夢來石上
王喬履携得花間單父琴蘆葦敗叢棲凍舸
把病葉坐寒禽暗香多在赤山頂枉駕相期一
逕深

秋夜顧五過宿高座示余以承天觀省
之什兼讀白司封詩有作

虎頭公子宿山堂秉燭還論賦楚襄得句郢中
傳白雪投詩澧浦重明璫淮波已映藤蘿月夢
澤應飄橘柚霜把扇更看題錦樹白有錦樹之句令人
長詠憶仙郎

冬日訪慧石庵坦然老師一首

倦遊歸客木蘭船山寺尋詩扣坦然竹杖携來
懸酒榼梅花深處起茶烟於菟近野嗥風壑郭
索緣溪走雪田擬結玉芝衣祇會期師同宿白
雲巔

謁肖泉林檢討

昔從少小事文安今見鷓鴣世史官羊氏醉中
悲宰木謝公門下媿儒冠卷刪麟筆開芸閣字
拂龍綃對露盤太乙藜分清夜永石渠新續父
書完

王勃集卷三
大司空在賜龍淵手澤啼痕識卯年劉向校書
歸閣上孔融齊刺到門前欲詢溫室宮中樹願
見蓬山觀裏仙廿載武夷飛夢繞榕江長在白
雲眠

贈周參軍

叅佐翩翩欲請纓花深幕府坐談兵携毫好勒
燕然石籌幄寧臨瀚海營聞道龍顏朝有喜已
知鴈塞夜無驚却思同學從東郭每說尚書北
斗名

秋日寄徐小石中丞於宣府謫所次韻

一首

名壓中丞殿上班青蠅足使豸冠殘胡笳暗動
臨風聽塞馬悲嘶向月看老去虞翻詩可遣愁
來亭伯酒能寬賜環盡道黃花近秋夜琵琶笑
裏彈

送長沙張子之官廬陵丞兼寄鍾宰

君真杞梓楚之材獨上悲歌郭隗臺大邑山川
分美錦皇州冠蓋簇春杯忽聞江調城雲動
滿折燕花苑月開寄語長沙鍾宰道定王舞袖
幾時迴

秋日神樂觀南松道院次顧九華韻

仙樓秋氣淨南郊望裏蓬山鶴可招松葉繞簷
偏自翠桃花滿洞未曾凋浮丘袂挹雲中去子
晉笙聞月下遙寂是愷之清興絕詩成如畫張
青霄

秋日送陸子以盧龍令左司台教

文字誰當薦陸機飛來馴雉遠相依琴聲猶向
關雲遠戈筆能揮塞日微玉洞桃花霜後麗台
山桂樹月中輝請君先續孫郎賦閑剪城霞補
芟衣

霽後賦官雲一首

雪映西山漾日華光凝仙掌淨天家千門晶霽
銀臺殿萬樹瓏葱玉蕊花太液池頭難辨鵠杳
愚闕下欲迷鴉燭暉澹灑朝衣冕借色鳴珂御
路斜

琉璃河新橋經始二仙觀賦

傾城騶騎從公侯詔視天梁涿水頭欲起瓊臺
開浩劫更營御苑接瀛洲凌雲承露千尋掌望
海迎仙十二樓擬獻相如大人賦肯令給筆尚
書不

奉謝成國葵亭上公辟召一首

燕臺淪落酒人中
彈缺悲歌謁上公
河帶著盟
藏石室禁輿宣賜到
金宮日徵詞賦虛鈴下
春繞烟花奉殿東
欲比子雲無筆札
不堪珠履從
彤弓

金陵贈別閩中陳方井

老憶越王臺上望
昔年同學已無餘
蝶飛只把南華帙
牛走惟看太史書
相遇冶城春雨後
共談閩館夜燈初
東邊淮月傷離別
猶唱庭花淚滿裾

金陵別省郎盧子後作

夏日風前黃鳥音
去年冬日特過尋
因留漫士携書篋
為借同官僦屋金
詩卷曉隨官月展
酒杯夜逐禁壺沉
豈知霽雪山陰棹
猶在荷花剡水潯

次韻玉陽謁闕里詩一首

泰山登罷夢皆虛
翹首門墻俯石闕
東國疇能名冢樹
西京猶得見琴書
世榮莫問侯王沒
吾道曾非兕虎餘
想見低徊留不去
史遷有筆意何如

寄遠

撲落手中金剪刀更深獨自絮征袍望郎未化
山頭石恨妾空為井底桃邊馬歸心秋草動胡
笳別弄朔風高何時寄到千行淚夢遶長城白
骨壕

賦荔枝答羅浮曾子

朱明珍果出炎荒何啻金莖沆瀣漿玉齒軟含
紅雪韻水精丸貯絳羅囊蒲萄笑比曹家麗盧
橘羞誇漢苑香不以側生遐嶺隔自堪熏曝薦
君王

次韻答贈彭隆池

茂苑相逢各問年哦松咏月讓君先鄉宜北海
開公號學稱南宮論帝宣相府頻辭三辟牒美
人重著四愁篇皇明若作春秋紀只有雄文
似孟堅

寄仰菴白儀制

漢代禮官徐氏遠白門橋梓禮為坊鳳毛冉冉
趨春省鷄舌清清拜夕郎會見登封論展采懸
知起草在明光豈似相如身已老山中空學賦
長楊

寄贈臺幕費珠山都事

譜重蕭何閣上圖官依御史府中烏簿書不到
隆高士經術能傳謝大夫夾道澄波駕停樹題
詩洗研接平湖知公剩有文章雅慣見絲綸似
典謨

玉陽光祿使至適有客問小園花木戲

答一首

枉問沙邊綠竹園長歌鼓柁楚漁篇初秋柿葉
陰垂地三月桃花水滿川睡有一鄉肱可枕侯
無千戶橘為田使來錯認顏光祿留與陶家酒

店錢

善拳洞

長松夾道石玲瓏盛夏凝凝雪未融入洞如臨
無底窟開門似納不周風吳王金檢封猶在秦
代桃花水莫窮杳然歷盡黃芝闕曲曲神仙白
玉宮

後七月三日善拳山中通宵風雨明日

賦此

久住青山生隱心秋風一夜到珠林雲中颯沓
花房梵崖上琅璫寶殿金病骨換隨涼雨健詩

懷清入冷雲深流泉竄出龍湫石古洞徐聞水
樂音

宜興芙蓉寺 寺在銅官山下

芙蓉名勝自齊梁于闐鍾鳴佛日長幾樹娑羅
蒼霧濕千岩芝菌白雲香澗分茗戶春泉碓僧
倚銅官開竹房宗炳遠從廬嶽至逍遙風雨一
奚囊

久客出白下晚眺

秋風吹鬢白刁騷日落臺城映晚潮李叟及閔
三仰嘆梁生登岳一長謠頻舉木末芙蓉遠謾
吹簫

再寄仰菴儀制

日日遙瞻瓊樹枝慚予老大獨傷悲尚書牋奏
傳中禁下筆文章壓左司臺閣不求三語掾江
潭自抱九歌辭泰山欲往臨風悅梁父誰教阻
所思

寄荆川先生

燕花今似漢時不陸海熒熒逸 帝州萬石君
家書馬歇千秋丞相賜車優綵雲畫幃黃金府

清夜歌鍾白玉樓丘壑還宜寘夔契廟堂那復
繫巢由

敢將歌鳳招尼父我本當時老楚狂五嶽尋仙
邛杖近三山飛鶴海天長湖中范蠡舟還艤門
外具茨山未荒自媿白頭聞道晚歸來南郭倚
連墻

篆文生閔子過我言別往謁軍門賦此

以贈

出入儀曹擅八分更將書劔欲從軍臺中珠履
談何易物外瓊枝思不群聊下能飛魯連箭燕

然解勒孟堅文顧榮扇庠君歸日郎步重來訪
白雲

和柘湖內翰乞休詩

燦燦文章映玉京看君落筆五雲清館中日曆
十年史江表風流萬古情手把道書調野鶴詞
傳樂府醉宮鶯金陵於此重舒眼踏徧凝笳疊
鼓城

亭上聽琴憶客曹朱射陂作

我操汾亭怨未平君將古調向誰鳴摠弦宮動
風泉起應指鐘迴草木榮亭畔花陰黃鳥度案

五
頭山色白雲生買金不把鍾期鑄好鑄陂仙作
主盟

杭州送客還遼

潮湧春城草滿堤臨岐把酒話遼西我遊天竺
千花落君到人參五葉齊鷹隨月兔邊風早箭
逐雲鵬塞日低折柳越姬多有夢黃鶯打起莫
教啼

歲盡書事

歸檢架頭書更少田園贖賣老尤艱囊添玉磬
樓中畫坐傍木蘭堤上閒得米購還亡帙舖借

金贖取釣魚灣誰能在處都無意只有巢由不
買山

金陵上牛首

紺殿朱樓洞壑迷重重百級覽金題江濤響應
巖中梵河漢聲流塔半梯花欺蜀井牛頭谷葉
滿梁臺鴨脚蹊憶昔先皇曾駐輦依稀濯鷁

上林西

子虛賦有濯鷁牛首之句

送射陂先生出守江州二首

兩岸旌旗夾畫橋使君五馬艷金鑣爐峰照日
香烟起湓浦行春皂蓋搖司馬曹閑寬吏謫射

五言集三
蛟歌罷看江潮府中年少督郵去應識淵明不折腰

道傍迎候從驪駒賦似相如朝大夫計吏翩翩侯邸去議曹冉冉府中趨分竹門前森畫戟艤舟郭外見香爐使君不遣羅敷問一任群桑陌上姝

松下漫述

一灣綠樹老垂綸澤畔行歌七十春翰墨寄身須後世篇章見意俟來人眠雲沙浦看鳧藻燒葉山厨薦雉尊松下風來清可濯長堤吹墮小

烏巾

奉贈鶴田相公大司寇詩二首

身如喬嶽倚青天明恕能承泣罪憐鍾阜詩樓雲氣紫棘庭刑鼎日光妍白金不宥侯家耐烏扇還論月令篇聞道賜來三寶劍惟公親署楚龍淵

寄贈友人張二丈以山西方伯遷陝西

白鶴袍香念夙興紫薇花影月光澄歌移汾上飛雲權車過嶠中避雨陵計閣細疏秦甸賦詩樓間對漢池凭我聞人說長安樂西向春風笑

不勝

憶衡翁太史三首 有小序

詠懷詞與步兵同蚤辱忘年顧阿戎內史表分
三月雨外編勝紀六朝風紫毫灑雪臨湖上

壬辰

翁為余對雪作
雪圖於石湖

麗句揚颿過肆中名壽全歸誰得似

浩歌收涕意無窮

藝林獨享伏生年曾待瀛洲制詔宣侍從頌歸
金馬第游童謠送石渠編名山今已藏遷史後
世還應顯蜀玄此日歲星天上見始知公是謫
來僊

一代風流勝事多白頭秬自望門歌銘傳海內
金麟罽詩奪宮中錦獸羅屈指誤飛屏上墨小
書時點襪頭波茂陵不著東封札空負 君王
遣使過

金陵送友人宰邑其邑善鬪而貧

且駐斯須馬首西白門吹送柳花低城邊候吏
琴先負江畔行樽酒滿携東野自知顏氏馬齊
王能養紀家鷄別君又上梁臺望蓬鬢風前獨
杖藜

已未九日登高感事兼懷江州朱使君

涼野風吹烏匝巾黃花開向白頭新吳萸莫把
牛山涕薊火猶連馬邑塵登岳青楓三戶雨使
君皂蓋九江濱益嘉欲問人何在近見龍峯笑
可親

近梅莊課農人獲稻適遇七十降辰自
壽一首

七旬猶作蠹魚塵書滿牀頭更自親國爵驚心
難屏貴家人竊罵未忘貧老羞甲子居塗日閑
厭申公問治辰恰喜携兒來小墅行歌拾穗樂
何真

春盡柴門口述

祗擬閒來歌 聖代流年不恨老江東白魚逆
上桃華水黃鳥爭啼灌木風西浦雲生詩閣靜
南山鹿過茗厨空漢宣所幸徵辭賦却笑王褒
尚未工

登燕京朝天宮高閣

一振風塵季子裘閑登縹緲鳳笙樓星辰景見
簷頭掛河漢聲聞檻外流桃核盤盤看武帝棗
花纂纂問齊侯移梨苑吏來相說種滿西城近
御溝

簡吳海峰光祿

吳時坐門

未央柳色鬱青青君在東華更獨醒司味已教
規子卯臨堂莫厭治庖丁署郎執板從容退賦
客分題次第聽藝苑如今在光祿徵詞日日駕
宮屏

答嚴子過余客樓一首

咫尺東嶠接芋區溪堂詩思憶儂無松邊雨暖
蒸山菌瓶裏茶香熟野萸斑髮秋隨黃葉落青
崖晚對白雲孤惟君最有相親意袖草登樓慰
病夫

送善卷雲霞尊師聘修茅山宮觀四首

老欲逃名石室閑翩然長嘯白雲間道途偏牧
兒童馬冰雪群居處子山瀛海已聞波僅尺麻
姑新見髮皆斑師遊茆嶺何時會定約冲虛五
日還

仙臺重睹冠良常北斗平臨日月光雲暖紅芝
宮闕秀氣蒸白雪木苓香八龍婉婉天中見九
鳳雖離世外翔呼起許詢丘壑伴時談玄典到
金堂

玉洞清虛第八天勞師遍結世人緣書題金簡

五
層霄徹樂奏琅璈滿谷傳封禪欲埋嵩嶽檢
君王長望漢宮仙三峯夢寐宸衷切神景時來
風肅然

洞庭西戶好相携五嶽潛通此可棲高閣松生
烏匿爽一枰棋絆白駒迷時逢野飯無牢豕日
愛山厨有樹鷄試看真人加特進尚方賜印自
天題

寄姑熟林虛白都閫

淪落燕臺八載餘相門白首曳長裾李倉忽嘆
咸陽犬馮缺空歌客舍魚東望姑溪思老將西

吟郎步夢儲胥壯遊慣識南塘路綠水名園好
燕居

尋梅

寒灘一處野梅香晴雪高松照小堂孤店曉開
青旆捲幾枝春晃白雲光落花樓上一聲笛踈
影江邊獨釣航遙見前村樵客去山橋清淺路
微茫

雪後登大濤山

望來日映濤山色我欲重携木柄鏡疊疊瑤華
雲裏嶂森森玉笋雪中杉縞鶴乘風摩碧漢燭

龍銜炬照冰巖杜蘭應有鸞車召剪取荷衣白
石巉

詠雪

聽雪尊前傑屨更雪光半奪燭光明浦沙皓皓
流水影簷樹蒼蒼着玉英一徑竹林寒雀鬧幾
家郊屋凍鷄聲琤瑋頃刻瓊瑤響飛擊君家九
疊屏

和詠雪

首歲喜逢盈尺雪滿空風色夜無休海鵬毛
灑三千里宮鳳雲迷十二樓笑調金蓮更秉

燭醉敲冰柱亂球只將詞賦供閒興何用陰
山覓漢侯

子壻潘嘉

雪後寄司勳蔡鶴田二首

寒鷗嘯雨濕枯桑獨上溪頭釣雪航江介悲風
南國遠屋垤冷藥北山長鴻飛不見臺城柳燕
寢初凝省署香歲晚轉增饑渴思浩歌苦憶蔡
中郎

憑崖吟望省郎闌草閣斜臨白板扉檻外梅花
江甸晚雪中驛騎秣陵稀羨公當署開文苑憐

五翁集卷三十一
我攤書坐釣磯憶昨相逢聆秀句三山今有謝
玄暉

四月二十九日訪燕峯宮紀遂同遊龍
潭以聯韻成一律

百尺猿枝倒絕崖千年龍骨蛻幽臺雲津細燕
深湔肺石髓長飡欲換胎酒榼携泉來澗底詩
囊帶笋出林隈莫須拂袖開巖霧恐訝宮袍奪
斗台

次玉晨觀韻和鯉湖王侍御也

石茫持斧割昏晨黃卷裁成見受辛鶴外不猜
金鴈服日邊暫借白雲身函關牛去思留尹炎
漢蛇分漫過秦却把一編周易讀蕭然松下古
綸巾

次題陳白陽為瓠川画粉團花於太湖
石畔

瘦石蒼然出水濱滿庭翠幄豔丰神香團百寶
璽瓏雪葩簇千趺爛熳春秦女乘雲吹鳳翼江
妃倚屋映魚鱗九歌魚鱗屋多龍堂捲簾忽下巫山雨飛灑
晴窓弄墨人

和采石月下懷古

玉鏡澄空映兩眉，拒江石出古松齊。
煙橫博望，帝青兒水接南溟。
產碧犀牛渚，登艫泛秋月，凌歌罷舞踏春堤。
悠然高詠，素宏史空，憶將軍思轉悽。

同文翰越溪莊訪王子履吉

十載不同烟雨，擢浩歌復此泝流光。
來尋山墅，梅花月舒，嘯湖天宿莽。
霜相對夜闌，更燭屢共談。往昔引杯長歲，星搖動越溪水。
方朔携尊到草堂。

桂子燕和文內翰為杜子鍾賦

連蜷枝葉老相樛，桂樹叢生山館幽。
月下壺觴銀闕近，花間歌舞錦雲留。
每來浩嘯同凭檻，時復攀翻獨倚樓。
我欲贈君招隱賦，八公携手五雲頭。

金陵同白子宿高座山中

屐齒懸崖受石稜，秋生城闕嘯孫登。
江鐘響落空山月，石鏡明通古殿燈。
爽氣鮮新靈籟動，冷光浩渺佛香凝。
欲談白業三天事，僧在松雲第幾層。

壬午秋日同吳下諸友長干詠懷之作

五言集卷三
桂樹攀翻山路香故人句重紫瓊璫平原遠混
雲天碧疊嶂斜延晚日黃荒苑漫歌臺有鳳秋
江欲渡水無航千年祇自憐黃祖鸚鵡終誇禰
賦長

喜衡山先生徵入翰林奉寄二首

喜見新徵出未央千官爭覩歲星光長楊初奏
客卿賦金馬行沾漢殿香東觀圖書開寶帙尚
方筆札給瓊箱知公不索長安米大隱神仙在
玉堂

雪後同白子出朝陽門訪豐子於靈谷

雪滿鍾陵紫氣凝曉從輦路望西清千峰霽色
搖銀樹遶甸寒暉漾玉城遠寺梅花招客去南
宮僊吏共僧行翛然自發山陰興剡水風流在
舊京

瓠園種橘示兒一首

十本貽兒綠橘香他年試待滿林霜未看千戶
空侯傳先讀三墳倚相章南國有憐皇樹獨西
荆無羨木奴強吾將戲賭雙龍縞相逐商山綺
皓箴

三月念五日潘子見過明日亦用前韻

答之

川上林居孤悶絕亭花相對獨相歡 人忽過
溪沙白漁叟纔歸釣艇寒山釜飯香留野酌水
精鹽少媵荒盤小窓客去看郊子夢寐宣尼一
問官

夏日士雅館中觀石田雪棧圖分韻得

從字

避暑得觀圖裏棧猿猴欲度却無從茫茫陸海
秦雲路片片瑤華蜀閣峯冰柱懸崖千騎墮凍
蛟拔地萬山重炎氛銷盡詩魂醒沈約同遊跨

白龍

海峯虎丘之窳陸直閣分得南字韻

鸚鵡慧光銘石塔木魚清響出苔龕祠官早謝
黃金勅省閣先投白玉簪鶴澗水流千劫外虎
丘花映五湖南上林不及長洲苑覽遍還從禹
穴探

寄內翰黎瑤石

嶺南才子冠盧王獨以文章事玉堂內幕捧看
紉匱籍北扉收得草麻囊夜臨鳳沼隨供俶曉
聽鶯聲繞建章 聖主將脩梁父禪須公罷六

上明光

想望清風限玉除君生南紀賦相如從登温室
休言樹頻上蓬山好註書鼓柅長歌桐水叟披
蓑獨釣楚江魚何由一觀瓊枝足飛夢承明著
作廬

七言排律

玉女潭玉陽子限韻循次作排律一首

偶逐仙郎蘭棹後來參玉女菊花先雲中獨鶴
玄裳舞月裏雙鸞彩翮躔別向乾坤探太始更
從開闢杳無前寥寥嘯起彌空界浩浩神遊區

大千逕繞瑤花飛片片巖生芝草鬱芊芊海浮
石洞鵬池破湖出林崖層窟遷松外經函幽點
翰竹邊詩几淨舒箋已知觀化捐殘蛻似可行
空跨短鞵携履壁間來達摩藏書柱下見彭錢
俯窺絕壑疑無地仰陟虛臺忽有天恠石隨形
題漢篆仙踪到處駕庭堅每邀簫史欣聯袂時
揖洪崖笑拍肩再選七籤增楚賦重為四主祀
唐賢百圍古樹蟠寒鐵一道幽泉急夜絃谷是
愚公身世舊堂連學士蜀岡煙省闡白雪能歌
郢銓鏡黃金正在燕書報持衡懸綠綬客來贈

劍握冰蓮是日來遊玉華君以劍贈玉陽仙吏買山未是巢由日事
主宜酬稷契年典印即歸青瑣闥携壺暫借白
雲巔請君盡展平生蘊却卧升陽寂照淵

五言山人詩集卷之四

桐川宗訓伯昭父著

五言絕句

春思

驚斷遼西夢鶯啼几幾遍今朝鶯不來妾夢歡
相見

川上聽琴適逢暴雨

草閣聽玉琴洋洋溪水深忽如泰山下悲動伯
牙霖

思衡翁

夢中能識路夜夜到蘇臺
衡翁今不在夢半復啼迴

雪中代寄

倚風墻角梅雪中着花不
莫共路人言折向尋春手

思婦

誰把鷓鴣色與妾作雙鬢
莫教烏夜啼淚落金縷

燕市送客還江南

行矣去儂歸梅花散江雪
憑將世外心寄與山

中月

古意

宮桃多日開坐閉黃金閣
自綠秋色衰何忍看花落

月下愁坐

羈懷忽惆悵樹影自婆娑
豈不愛涼夜其如月色何

春思

小閣櫻桃雨思君未敢言
無由采芳去蘭芷滿湘沅

秋思

嫋嫋青桂枝憶君君不知朝朝倚瑤檻淚滴紅
蘭蕤

泛菴畫溪

畫溪三十里雲白徹秋空綠樹浮天末青山蕩
鏡中

崑玉三章

有小序

南海盧子宰崑山因忤一臺使遂致改邑
佳名彌彰感而賦此

君為崑山宰自抱崑山玉莫扣荆王門請看和

氏足

南海有明珠照車十二乘不入梁王宮精光長
自瑩

墟下萬黃金氣騰殘甍麓上有盤鏡輝中宵耀
人目

田田水中蓮

田田水中蓮岸有長安路秋風吹妾心西掛秦
關樹

秋夜吟

淒清秋雨歇月白皎如雪唧唧滿空庭虫聲弔

落葉

山中聞虎

春夜卧孤庵猛虎叫山月曉看巖上亭落盡滿
林葉

晚釣

我非羨魚者釣雪暮江中投竿卧草閣策策枯
桑風

宿山寺

長為莊鳥吟復作鍾儀操寺前虎夜過山鳥時
一噪

憶郭西草堂

遙憶韋家洲風前幾悲吒秋江落木寒寂寞魚
龍夜

古意

殷勤祝團扇起拜明月影忍令敝笥捐莫使秋
風冷

采蓮女

水日盪新妝葉與裙相似忽看岸上郎倚棹荷
花底

織錦女

瀾瀾秦川波札札杼聲緩腸隨文共迴心應絲
同斷

客舍僮至訊之

僮曾守瓠園且說亭前事園荒若個邊籬菊花
開未

玉陽山半逢吳門文三

塵土逗餘炎避來名勝地松邊見故人會與清
風至

閨思

郎在鳳凰山妾織鴛鴦綺停梭待郎歸織成裁

作被

夜坐吟

我思仲孺妻聽言堪自怨抱膝兩嬌兒何慙擁
敗絮

寒夜繙書

飯牛夜未旦牧豕身何遲奪我短檠去山妻照
伏雌

七言絕句

竹枝詞

巴山雪作巴山水流送竹枝歌調長不到三聲

淚先下猿鳴那似箇露裳

送郎萬里橋上亭郎意休為蒟與萍甜怕口如萍實好苦怕心如蓮蒟青

請看蜀國錦宮街萬里橋頭估客渾溪女負薪橋上過野花山葉並銀釵

綿州城北樓閣古閬州城南廛市連君愛蜀都環錦地不愁蜀道上青天

觀夷人朝

紅日曛曛映袞袍大陳鹵簿五雲高降胡內屬單于拜詔賜黃門小佩刀

宮詞

綠苔已滿玉階頭祗聽昭陽月夜遊妾有懷中條刺在殷勤細囑大長秋

夜聽宮壺卸袞袍帳聯甲乙御牀高嬪娥不得驚天寢新詔長隨帶寶刀

答客問

傳蹕立教隨寓直抽毫急就應宮闈辟來相府今何似猶是江東一布衣

吳鄉田家

東吳慣以船為家溪邊罌麴多魚蝦秋來白稻

湖田熟壓酒吳姬繞髻花

贈子壻潘子會書于理署別院圖上

翩翩潘岳閑居意從事承宣早放衙官燭罷書
堂吏靜行吟月在紫薇花

相逢行

五陵公子錦狐鮮萬戶垂楊若箇邊走馬章臺
街上去相逢塵裏揖金鞭

閨情

幾時逐虜何居延月照沙場抱鏡眠邊信未來
春又至櫻桃花發玉牕前

采石江上望秣陵因寄顧少峯兼有所
憶

朱雀航頭泛濫遊酒痕猶在鷓鴣裘不見城南
春雪館梅花却憶下西洲

川上閒居忽憶崔侯門客蔡子封

京國相逢白鼻騮時時共醉五侯家子雲已老
君卿逝獨對山墻木槿花

送李將軍出塞

直貫沙場胡騎去乘風馳逐過天山黃有立射
單于走亂落蒼鷗夜吹還

子夜變歌

生憎桐樹種樓東
梧子時時在眼中
郎愛樓東留夜月
妾愁江上起秋風

海棠

宣華宮裏三千女
紅粉娥娥媚蜀王
芳魂盡是啼鶻化
萬朶花妖作海棠

志云蜀王宣華宮海棠花景盛

題李斯篆書

筆刀龍文鼎可扛
變從鳥跡映晴窓
驚看坐抱秦弓發
弋取當時馬六雙

偶題

何須遠幸不其宮
白玉臺高動曉風
飛下蓬萊黃鶴羽
交門歌起禁祠中

題沈周所畫蕉鹿圖

我與巖頭新者群
人間世事夢紛紛
石田又作丹青夢
笑上秋山看白雲

晚步瓠川堤上有懷

南華讀罷兩三章
起向沙頭看夕陽
擁棹唱歌烟外去
一川風雨入西堂

西樓

一枝花蕊倚西樓
人在樓西花對愁
滿地月光

五翁集卷之四
如白水却憐人影逐花流

赤山晚霞聯句坊即豐考功存叔也

赤山霞似赤城標訓縷縷波光散綺嬌亂射客

衣裘五色坊斜紫江岸柳千條鏡中一棹翻餘

彩訓塵外雙鳧坐九霄時送前村返照半隨鳴鴈去

坊潛淵時映蟄龍跳斗間迥有金銀氣訓島上

應逢鸞鶴邀欲賦遠遊吞沆瀣坊笑提長劍躡

招搖摘憑玉女裁春服訓喚取王喬弄月簫誰

竊支機來卜肆坊猶疑煉石駕星橋青天恍若

丹丘在訓綠野欣看紫闕遙瑞見明堂初抱日

坊輝浮少海乍迴颯爛然擘絮鱗鱗起訓倏忽

歸岩點點消望斷白雲空涕淚坊神棲碧落且

歌謠傾樽自鼓沙棠榼訓挂席將乘析木潮千

古南亭靈運跡坊幾回北止洛妃招洛賦皎若太陽升朝霞

擬攀台嶺疏煩想訓終老錢湖遠市囂好是登

臨追謝毗坊底湏丁卯弔凌歊

續附

黎內翰瑤石先生書

通家第黎民表頃首大詞伯瓠川宗老先生世
丈門下民表閒居侍先子稱海內脩辭之士必
曰宗君宗君亦既傾鄉久矣雖奔走海內顧以
不得一奉德音爲耿耿也桐汭并州之故鄉也
鄙人敢忘之哉京邸邂逅潘君子會清粹蘊籍
訊為懃親劇談抵掌知波瀾所自匪直空谷足
然而已俾來獲不遺遺長篇鉅製千里惠我豪
宕縱橫真間世才也瑤華五帙謬為校讐銀梓

斯寔子會至意民表何功之有恐雌黃不審反
為白璧之瑕耳薄宦脩刺忽忽裁答久稽知罪
矣知罪矣奉次雅詠亦止一篇知非偶也隸書
家居所作聊以障壁不足存省近有故人郭次
甫者遊北岳止宿欲為掇拾敝橐當錄副以求
評訂且冀垂片言于篇端以致附驥之意茲未
暇獻拙也出省中子會已登車草率具報四十
餘年石交固非華楮所能布露也更何時坐桐
川之閣一聆公世外之談乎引望祇有恨恨伏
祈省覽不一一 嘉平月第民表頓首再拜牙

梳櫛一副蜀扇二握諫書四紙見遠忱

黎吏部雲野先生書

通家侍生黎民衷頓首拜啓王臺史氏五教宗
老先生大人世契足下東齒齒海濱釣遊之暇
日侍先大夫則聞足下個儻豪宕厭薄世務而
抗志於霄壤之外槩見於又詞日累千百言才
情翩翩擊九萬也未嘗不慨然想見其為人焉
第山海䟽迹無從多得製作之富間海內名流
與足下倡和有傳布其一二者則嘆曰和璧蜀
錦何必覩其全也迺遷鄉園寤寐桐川之上又

念念吾豫川也比入京華以來塵旅繆悠益渴
璫枝之想暨邂逅潘子會於邸舍拜奉手教辱
睠瞻念先人薄遊之故而締交於千里之外河
汾掩席曾幾何時而死生道義唯程仇在重惟
風樹之感予誠泫然不能止也又猥承不鄙授
以瑤華閣集而卒業焉足下於才無所假於學
無所遺泐泐乎左國二京之摯其有作乎既其
意得也觸物寄興倘若天籟片字隻句妙由神
解則又連蹇其遭憂愁其思抑揚變態而自得
於牝牡驪黃之外則足下之所養吾又安得而

究竟之哉頃與伯兄校閱是帙而漫刻之非敢
橫肆譏評於其間此特星宿之崑崙天門之日
觀耳謹將繕寫全帙覆上所委叙簡冗病未能
省署之暇尚待來斯耳不敢負不敢負鶴翁司
寇至輒備聞起居之悉殊慰浣不自勝千里比
有幸因子會述之貽贈諸大篇愧未酬畝嗣南
鴻致上外薄縑聊致遠悰不足存也嘉平月朔
二日侍第民衷篝燈再頓首具

跋語

余讀司馬子長報任安書謂人之相知貴相

三
知
心
未
嘗
不
廢
書
而
流
涕
也
夫
知
心
固
難
而
知
言
尤
難
知
心
之
難
者
義
也
知
言
之
難
者
學
也
余
何
以
得
此
二
難
於
兩
公
哉
吾
婿
子
會
以
待
選
旅
京
師
乃
辱
兩
公
念
余
結
髮
為
其
先
公
門
墻
之
士
而
僕
然
老
也
閔
閔
焉
屬
之
子
會
必
欲
悉
索
敝
草
訓
也
聞
之
來
使
退
而
自
惟
曰
吾
既
老
而
身
棄
不
用
矣
意
欲
求
文
章
成
名
於
後
世
而
訖
無
一
言
可
以
傳
也
無
乃
徒
負
先
師
之
教
也
乎
此
子
貢
所
以
悲
秦
山
之
類
曾
子
所
以
罪
西
河
之
老
也
會
余
在
病
牦
牦
焉
雜
拾
少
半

不
及
定
其
可
讀
者
絀
其
不
可
讀
者
且
漫
無
詮
次
而
貽
之
兩
公
兩
公
為
余
絀
其
不
可
讀
者
存
其
可
讀
者
叙
以
金
玉
之
辭
親
自
揮
翰
且
為
出
俸
錢
俾
刻
之
梨
而
子
會
相
貲
以
卒
其
事
余
乃
喜
而
歎
曰
夫
巖
穴
之
賤
非
附
青
雲
之
士
余
何
以
自
見
於
後
世
哉
而
子
會
亦
有
驥
蠅
之
藉
焉
則
又
赧
然
以
自
咲
曰
吾
不
能
知
曼
惠
之
玄
文
試
謙
桓
譚
顧
余
謙
謝
蕪
辭
先
之
覆
瓿
者
而
傳
矣
此
左
思
之
賦
所
以
有
待
於
皇
甫
之
言
也
子
會
既
領
除
書
乃
載
板
以
歸
余
亦
欣
奉
兩
公
手

五峽山人集
書遂刻其書以附焉藹然懷友之義爛然脩
辭之誠而不自有其勢也可謂度越今古矣
此張廷尉能結王生之襪也噫燕吳相距懸
隔三千里而面未相識而心獨相知言自相契
者海內能幾人哉是故君子不貴於面友也
壬戌春正月人日七十有三五峽山人宗訓
頓首謹識

五峽山人詩跋

五峽山人詩集集山人所為詩將壽
諸梓以傳焉者也集成黎君瑤石既
叙諸首簡而潘君子會屬予一言于
後余維山人之才徵于詩播于鄉評
彰著于薦紳諸老之贈什而又詳顯
於黎君之叙余復何言然才如宗君
豪雋博洽世不多得使稍自抑損以
就繩墨將無所不可而僅于詩焉徵

五奇言易八
之詩詎足以盡君之才耶豈才名過
盛多為造物者所忌故厄之使窮于
詩也余嘗業詩莫能究風雅遺旨又
奚足以知山人顧得其集讀之不忍
釋手每嘆其不可及敬書此為憐才
者告且因以為多才者勗云金瀨朱

鍾玄甫跋

余外舅瓠川翁少負奇氣博觀群籍
其所嗜好者左氏子長之書操觚為
文瑰偉豪縱不失其桀矍云所為聲
詩亦必依倣魏晉寧質無艷寧泊無
靡稱其隱居之操者也嘉以懿親日
追隨于川上撫景命酌輒令賡和媿
莫銓濠梁之旨且累冰玉之評矣卒
酉夏候銓于旅邸翁以所著瑤華彙
付嘉請嶺南黎君校閱之既繕寫因

刻梓以貽同好念當遠遊不獲操几
杖以從一聆金石之音是編也其殆
帳中之秘玩乎嘉平月子壻潘嘉頓
首謹識





